

Bosna i Hercegovina
Federacija Bosne i Hercegovine

KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине

КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-04-2076-6/20 ZJ
Sarajevo, 28.02.2020.g.

SKUPŠTINA KANTONA SARAJEVO
- OVDJE -
n/r Mirza Čelik, predsjedavajući

PREDMET: Dostava odgovora na zastupničko pitanje

Zastupnik Skupštine Kantona Sarajevo Elvis Vreto, na Osamnaestoj radnoj sjednici Skupštine Kantona Sarajevo, održanoj 23.01.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je slijedeće zastupničko pitanje:

PITANJE:

„Da li je Zavod za javno zdravstvo KS akreditovan za monitoring kvaliteta zraka, ako nije, koje aktivnosti se poduzimaju kako bi dobili akreditaciju?“

ODGOVOR:

Nijedna javna institucija u Federaciji Bosne i Hercegovine, pa tako ni J.U. Zavod za javno zdravstvo Kantona Sarajevo, nemaju akreditaciju prema zahtjevima BAS EN ISO 17025:2018 za monitoring kvaliteta zraka. Razlozi zašto institucije koje se bave monitoringom kvaliteta zraka kao što je J.U. Zavod za javno zdravstvo Kantona Sarajevo ili Federalni hidrometerološki zavod nisu akreditirani su, prvenstveno, nedostatak:

- osoblja (Zavod raspolaže sa jednim i po uposlenikom raspoređenim na poslove monitoringa, slična situacija je i sa drugim institucijama),
- prostora (prostor od 180m² za radnu jedinicu za zaštitu i unapređenje životne sredine koja u svom sastavu ima i laboratorije za analitiku voda i laboratoriju za analitiku hrane i predmeta opće upotrebe, a koje su akreditirane prema zahtjevima BAS EN ISO /IEC 17025 ne može zadovoljiti zahtjeve standarda za prostorom).



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



- finansijska sredstva- akreditacija laboratorija je izrazito kontinuirano zahtjevan finansijski proces za koji trenutno nema raspoloživih sredstava jer je prioritet da se nabavi potrebna oprema i potrošni material za nesmetan rad stanica.

Međutim, naglašavamo da za pouzdanost mjerenja nije neophodno da laboratorija bude akreditirana ako provodi mjere osiguranja kvaliteta rezultata prema zahtjevima standarda BAS EN ISO/IEC 17025 i pripadajućih standardnih metoda, što se u slučaju Zavoda i opreme kojom raspolaže i provodi. Obzirom da je Zavod već akreditiran za ispitivanje uzoraka vode i hrane od 2013.godine, primjena zahtjeva za osiguranje kvaliteta rezultata nije nepoznanica Zavodu. Jedina mreža stanica u Bosni i Hercegovini, koja koristi usluge kalibracije opreme u svrhu provjere validnosti rezultata i ispravnosti uređaja, od strane akreditirane laboratorije za kalibracije, je mreža Kantona Sarajevo. Prilikom nabavke opreme posebna pažnja se posvećuje nabavci opreme koja radi prema međunarodnim standardnim metodama, a koje je Zavod već ranije obezbjedio od strane Instituta za standardizaciju BiH. Kao jedna od mjera osiguranja kvaliteta rezultata ispitivanja je primjena unutrašnje kontrole kvaliteta putem kalibracionih boca, koje koriste certificirane gasove za provjeru u dvije tačke koncentracija, kao i obezbjeđenje ugovora sa ovlaštenim serviserima koji također koriste certificirane referentne etalone za provjeru rezultata mjerenja. Nadzor nad radom automatskih stanica vrši se kontinuirano tokom svih 365 dana u godini, a osoblje koje obavlja nadzor i validaciju rezultata mjerenja je između ostalih kontinuiranih edukacija uspješno prošlo i položilo završne ispite u okviru edukacija vezanih za monitoring kvaliteta zraka u Tokiju (Japan) u posljednje dvije godine, što ih čini kompetentnim za obavljanje ovih poslova. Kao još jednu od potvrda ispravnosti rezultata mjerenja dali su i stručnjaci iz Američke agencije za okoliš koji su prilikom posjete našim stanicama izvršili i provjeru sa svojom kalibrisanom opremom analizatora PM₁₀. Do sada automatske stanice za monitoring kvaliteta zraka su posjetili razni stručnjaci iz Američke i Švedske agencije za okoliš i nikada nije bila upućena niti jedna primjedba na rezultate mjerenja ili na sam rad stanica.

Kada su u pitanju daljnji koraci po pitanju akreditacije laboratorija potrebno je prvenstveno steći preduslove za pripremu akreditacije u smislu obezbjeđenja ispunjenosti svih predhodno navedenih preduslova. J.U. Zavod za javno zdravstvo Kantona Sarajevo kontinuirano radi u saradnji sa Ministarstvom prostornog uređenja, građenja i zaštite okoliša Kantona Sarajevo na unapređenju kvaliteta zraka putem planiranja svih aktivnosti za svaku narednu godinu u skladu sa obezbjeđenim budžetskim sredstvima. Kada je u pitanju potreban kadar, J.U. Zavod za javno zdravstvo Kantona Sarajevo se više puta obraćalo nadležnom Ministarstvu zdravstva za dobivanje saglasnosti za prijem još jednog saradnika, a također, već dugi niz godina u Programima rada ove ustanove je iskazivana potreba za odgovarajućim kadrom što se, također, može naći i u godišnjim izvještajima o monitoringu kvaliteta zraka u Kantonu Sarajevo.

Dostaviti:

- Naslovu
- Stručna služba Vlade (na znanje)
- Evidencija
- Arhiva

MINISTARSTVO
ZDRAVSTVA
KANTONA SARAJEVO
D. Filipović, MA prava



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

